

13. Kati bisi sebarang akaun ti dijaga kediri-kediri?

- **Akaun Bekunsi (Joint Akaun)** – Akaun Bekunsi deka diberi pelindung insurans deposit kediri, amat ga bank ke nyadi kaban nya deka meri nama pemegai akaun bekunsi nya.
- **Trust Akaun** – Sentang trust akaun, penyambut penguntung deka nerima pelindung kediri enti trustee besedia madahka penyampau penguntung enggi penyambut nya siku-siku sereta enggau amaun ti patut dibayar ngagai sida siku-siku nitihka rekod ti disimpan bank ke nyadi kaban. Siku-siku penyambut deka diberi pelindung kediri-kediri nyentuk ngagai tatak penyampau RM250,000 ari deposit beinsurans ke disimpan dalam nama sida.
- **Akaun Pun Pengempu (proprietorship), Bekunsi Ngempu tauka Ngereja Sama (Partnership), Orang Pengereja Pengawa Profesional (ke banding, arkitek, lutur ngeli, etb)** – Akaun tu siti-siti nyentuk ngagai tatak penyampau RM250,000 diberi pelindung kediri-kediri.

Chunto ke di baruh tu mandangka pelindung insurans deposit ke dikena ba siku pemanjar tauka penyimpanan ke nyimpan dua-tiga bengkah akaun dalam siti bank ke nyadi kaban:

Penyimpan	Bansa Deposit	Amaun (RM)	Kena Insurans (RM)
Ahmad	Duit-simpan	300,000	250,000
Ahmad enggau Bini	Semasa	300,000	250,000
Ahmad, Bini enggau Anak Indu	Duit-simpan	250,000	250,000
Ahmad, Leong & Kompeni (kompeni legal)	Semasa	200,000	200,000
Ahmad & Ali Sdn. Bhd.	Semasa	50,000	50,000
Semelah Deposit		1,100,000	
Semelah Deposit Dilindung Sechara Agregat			1,000,000

14. Nama penyadi deposit aku enti sema dua it bank ke nyadi kaban berakup nyadi siti?

Nuan deka terus nerima pelindung insurans deposit ti kediri-kediri dalam pengelama dua taun tauka nyentuk ngagai insurans deposit nya mansau sekaligus deposit nya dikeluarka abis ari bank, bepanggai ba ni ari tiga bengkah pekara nya ke dulu agi nyadi.

15. Enti sema bank ke nyadi kaban nya tak kena enda mujur (tu jarang amat nyadi), baka ni jalai aku ulih kelim tauka nuntut insurans deposit?

Nuan enda ibuh kelim. PIDM deka madahka bekeni, dini alai enggau bila deposit nuan nya deka dibayar pulai. PIDM deka mayar deposit nya bepelasar ba rekod penyimpanan ke bisi disimpan bank ke nyadi kaban.

16. Aku tu enda bependiau di Malaysia. Kati deposit aku mega kena lindung?

Endur nuan diau sekaligus bansa nuan nadai ngachau pelindung insurans deposit nuan. Deposit ke disimpan dalam bank ke nyadi kaban sigi dilindung terentuk ba tatak penyampau RM250,000 ke siku penyimpanan dalam siti bank ke nyadi kaban.

17. Kati deposit ke disimpan ba pampang-pampang sekaligus anak-anak bank menua tu ke bepalan di menua-menua bukai di luar Malaysia mega kena lindung?

Enda. PIDM nadai ngelindung tauka nyaga deposit ke disimpan ba institusi nya. Taja pia, deposit nya nyangka dilindung insurans deposit sekaligus skim pelindung ke bisi disediaka menua ke alai bank nya bepalan.

18. Sapa ke patut alai aku betanya awakka bulih penerang pasal pelindung deposit insurans?

- Ngangau ngena toll-free arus talipaun penerang enggi PIDM: **1-800-88-1266**, ari Hari Satu ngagai Hari Lima antara pukul 8:30 pagi enggau 5:30 lemai.
- Email nuju: **info@pidm.gov.my**
- Buka website PIDM: **www.pidm.gov.my**



Perbadanan Insurans Deposit Malaysia
Ngelindung Insurans Enggau Deposit Nuan di Malaysia

Bahagian Komunikasi & Hal Ehwal Awam
Aras 12, Quill 7, No. 9, Jalan Stesen Sentral 5,
Kuala Lumpur Sentral, 50470 Kuala Lumpur.
Telefon: 603-2173 7436 Faks: 603-2173 7527 / 2260 7432



Perbadanan Insurans Deposit Malaysia
Ngelindung Insurans Enggau Deposit Nuan di Malaysia

INSURANS DEPOSIT



Gerempung Insurans Deposit Malaysia (Perbadanan Insurans Deposit Malaysia – PIDM) nyaga panjar tauka deposit bank nuan enggau penguntung takaful enggau penguntung insurans nuan. Nengah Sistem Insurans Deposit enggau Takaful enggau Sistem Pelindung Penguntung Insurans ke dipejalaika PIDM, pamanjar tauka penyimpan enggau pesereta takaful enggau pengempu polisi insurans diatu likun laban deposit sida ke dalam bank enggau penguntung takaful enggau penguntung insurans meruan disurat sereta kena lindung tauka jaga undang-undang. Tu sigi besenutuk enggau mandat PIDM ke deka ngangkat sereta nambahka pengukuh sistem wang Malaysia.

Nama PIDM ke bendar?

PIDM nya sebengkah agensi Perintah ti ditumbuhka nitihka Akta Gerempung Insurans Deposit Malaysia (Akta PIDM). PIDM ditumbuhka dalam taun 2005 ngambika bejalaika sistem insurans deposit bansa dikenai nyaga tauka ngelindung pamanjar tauka penyimpan. Kenyau ari 31 Disember 2010 dia tanggung pengawa ti dikereja PIDM ngerembai, nyau nyengkaum bejalaika Takaful enggau Sistem Pelindung Penguntung Insurans ngambika nyaga pesereta takaful enggau pengempu polisi insurans.

Nama bansa pelindung ti diberi PIDM?

Sistem Insurans Panjar tauka Deposit	Sistem Pelindung Penguntung Takaful enggau Insurans (SPPTI)
Nyaga pamanjar ari ke rugi lenyau panjar ti disimpan dalam bank ke nyadi kaban, enti sema (tu jarang amat nyadi) siti ari bank nya kena enda mujur.	Nyaga pesereta takaful enggau pengempu polisi insurans ari ke rugi lenyau penguntung takaful enggau penguntung insurans, enti sema siti ari penginsurans ke nyadi kaban nya kena enda mujur.

Baka ni tu ulih nguntungka aku?

- PIDM nyaga panjar ti disimpan nuan dalam bank lalu tekala nya mayar ngagai nuan panjar tauka deposit ti beinsurans nya enti sema siti ari bank ke nyadi kaban kena enda mujur.
- PIDM nyaga nuan ari ke rugi lenyau penguntung takaful enggau penguntung insurans enti sema siti ari penginsurans ke nyadi kaban nya kena enda mujur.
- Penyaga tauka pelindung diberi PIDM sechra automatik lalu enda usah dipinta.
- PIDM nadai minta sebarang bayar ari pamanjar/penyimpan tauka pesereta takaful enggau pengempu polisi insurans ti dijaga iya.


1. Nama Insurans Deposit ti bendar?

Insurans deposit nya sebengkah sistem ti dikenai nyaga tauka ngelindung pamanjar tauka penyimpan ari ke bulih pengerugi ketegal lenyau panjar beinsurans enti sema siti ari bank ke nyadi kaban kena enda mujur. Insurans deposit di Malaysia dipejalaika PIDM.

2. Ni bagi bank ke nyadi kaban institusi PIDM?

Semua bank komersil ke belisin nitihka Akta Bank enggau Institusi Wang 1989 enggau semua bank Islam ke belisin nitihka Akta Bank Islam 1983, nyengkaum bank ari menua tasik ke bisi pampang di Malaysia endang nyadi kaban institusi PIDM. Nyadi kaban nya mesti nitihka taga Akta Gerempung Insurans Deposit Malaysia.

Lis bank ke nyadi kaban institusi PIDM (dikumbai 'bank ke nyadi kaban') ulih dipinta ari PIDM, mukul ngena lumur **1-800-88-1266** sekaligus ari ke muka website PIDM ba **www.pidm.gov.my**. Ba pintu penama ngagai pampang bank bisi mega dilekatka tanda nyadi kaban ke nunjukka pampang bank nya kaban institusi PIDM.



3. Kati aku mesti minta sekaligus ngeregista ngambika diberi pelindung insurans deposit?

Enda, nuan enda ibuh minta sekaligus ngeregista. Pelindung ke insurans deposit endang diberi sechra automatik ngagai akaun deposit ke patut nerima iya.

4. Ni ngumbang sekat penyampau insurans deposit enggi aku?

Deposit ke manggai ngagai RM250,000 ke siku penyimpan dalam sebuah bank, nya ke agi layak kena jaga. Sekat penyampau ke RM250,000 nya nyengkaum amaun mudal ti disimpan sereta enggau anak/bunga iya.

5. Kati ulih aku agi meli insurans tambah ke deposit aku enti penyampau nya lebih ari RM250,000?

Enda ulih. Insurans deposit ukai produk rama sekaligus insurans nyawa. Iya disediaka Perintah nengah PIDM.

6. Nama bansa deposit ke layak nerima insurans deposit?

Deposit ke layak nyengkaum deposit akaun semasa enggau akaun duit-simpan, deposit tetap enggau deposit mata-wang menua luar.

7. Nama bansa deposit ke enda kena lindung?

Deposit ke enda ulih dibayar di Malaysia, deposit wang makit, instrumen deposit ke ulih ditawarkan (negotiable instruments of deposit), pemai deposit enggau sempekati meli baru enda dilindung PIDM.

8. Kati unit trust layak kena lindung insurans deposit?

Enda. Unit trust enda layak dilindung insurans deposit.

9. Baka ni aku ulih nemu sekaligus deposit aku nya layak diberi pelindung insurans deposit?

Bank ti alai nuan nyimpan deposit mesti mudah ngagai nuan sekaligus produk deposit nya layak tauka enda nerima pelindung insurans deposit sebedau nuan nyimpan duit dia. Semua produk deposit ke layak bisi dilis ba rejista ke tau dipinta ari bank ke alai nuan deka nyimpan duit nya.



Semua penetap tu besenutuk enggau Undang-Undang Gerempung Insurans Deposit Malaysia 2011 (Taga Penerang Pasal Insurans Deposit), dikenai nentuka bank ke nyadi kaban meri penerang ti betul, relevan sereta pemadu baru sentang pelindung insurans enggau rampa serangkung iya.

10. Kati deposit Islam enggau konvesional dilindung kediri-kediri?

Betul. Deposit Islam enggau konvensional sama layak nerima insurans deposit enggau sekat penyampau RM250,000 ke siku-siku penyimpan ba sesebuah bank ke nyadi kaban.

11. Aku nyimpan deposit ba dua-tiga bank ke nyadi kaban. Kati semua deposit aku nya dipegulaika sekali lebu diberi pelindung insurans deposit?

Enda. Tiap-tiap iti deposit ti disimpan nuan ba sesebengkah bank ke nyadi kaban nya dilindung kediri-kediri, enda begulai. Tatak penyampau RM250,000 insurans deposit nya semina dikemendarka ke siku penyimpan ba sebuah bank ke nyadi kaban.

12. Aku nyimpan deposit ba dua-tiga pampang bank ke nyadi kaban. Kati deposit aku nya deka dilindung kediri-kediri?

Enda. Deposit ke disimpan ba pampang-pampang bank ke sama ke nyadi kaban deka dipegulaika sekali sereta lalu diberi pelindung insurans deposit ti bekunsi.